

মিশকাতুল মাসাবীহ (মিশকাত)

হাদিস নম্বরঃ ৫১৬৯

পর্ব-২৬: মন-গলানো উপদেশমালা (كتاب الرقاق)

পরিচ্ছেদঃ প্রথম অনুচ্ছেদ

الفصل الاول

আরবী

وَعَنْ مُطَرِّفٍ عَنْ أَبِيهِ قَالَ: أَتَيْتُ النَّبِيَّ صَلَّى اللَّهُ عَلَيْهِ وَسَلَّمَ وَهُوَ يَقْرَأُ: (الْهَآكِمُ التَّكَاثُرُ) قَالَ: يَقُولُ ابْنُ آدَمَ: مَالِي مَالِي . قَالَ: «وَهَلْ لَكَ يَا ابْنَ آدَمَ إِلَّا مَا أَكَلْتَ فَأَفْنَيْتَ أَوْ لَبَسْتَ فَأَبْلَيْتَ أَوْ تَصَدَّقْتَ فَأَمْضَيْتَ؟» . رَوَاهُ مُسْلِمٌ

رواه مسلم (3 / 2958)، (7420) -

(صَحِيح)

বাংলা

৫১৬৯-[১৫] মুত্তাররিফ তাঁর পিতা ('আবদুল্লাহ ইবনু শিখখীর (রা.)) হতে বর্ণনা করেন, তিনি বলেন : একদিন আমি নাবী (সা.) -এর দরবারে আসলাম, এ সময় তিনি সূরাহ্ (النَّكَاتُ) “ধনের প্রাচুর্য তোমাদেরকে গাফিল করে রেখেছেন”- (সূরাহ্ আত্ তাকা-সুর ১০২ : ১) পাঠ করছিলেন। অতঃপর তিনি (সা.) বললেন: আদম সন্তান বলে- “আমার মাল, আমার মাল”। তিনি (সা.) বলেন : হে আদম সন্তান! তুমি যা খেয়ে শেষ করে দিয়েছ অথবা পরিধান করে ছিড়ে ফেলেছ অথবা দান করে সঞ্চয় করেছ এছাড়া কি তোমার কোন সম্পদ আছে? (মুসলিম)

ফুটনোট

সহীহ মুসলিম ৩-(২৯৫৮), তিরমিযী ২৩৪২, নাসায়ী ৩৬১৩, সহীহুল জামি' ৮১৩২, সহীহ আত্ তারগীব ওয়াত তারহীব ৩২৩৪, শায়বাহ্ ৩৪৩৩৯, মুসনাদে 'আবদ ইবনু হুমায়দ ৫১৩, মুসনাদে আহমাদ ১৬৩৪৮, সহীহ ইবনু হিব্বান ৭০১, শুআবুল ইমান ৩৩৩২, আস্ সুনানুল কুবরা লিন্ নাসায়ী ৬৪৪০, আল মুসতাদরাক লিল হাকিম ৩৯৬৯, আস্ সুনানুল কুবরা লিল বায়হাকী ৭৩৫২।

ব্যাখ্যা

ব্যাখ্যা: (هَلْ لَكَ يَا ابْنَ آدَمَ) হে আদম সন্তান! তোমার মাল তো তাই যা তুমি ভক্ষণ করেছ। অর্থাৎ মাল অর্জন করে যা তুমি জমা করে রাখবে তা অন্যে ভোগ করবে। তুমি ভোগ করতে পারবে না। আর যা তুমি ভক্ষণ করেছ তাই ভোগ করেছ। অতএব যা তুমি ভোগ করতে পেরেছ তা তোমার। অনুরূপ যা তুমি পরিধান করেছ এটাও তোমারই। আর যা তুমি দান করেছ তা তুমি আল্লাহর কাছে পাঠিয়ে দিয়েছো তোমার জন্য তা জমা থাকবে। পরকালে তুমি তা ভোগ করবে, অতএব এতটুকুই তোমার মাল। (মিরকাতুল মাফাতীহ)

হাদিসের মান: সহিহ (Sahih) পুনঃনিরীক্ষিত

পাবলিশারঃ হাদিস একাডেমি □ বর্ণনাকারীঃ আবদুল্লাহ বিন শিখখীর (রাঃ)

🔗 Link — <https://www.hadithbd.com/hadith/link/?id=85149>

📖 হাদিসবিডির প্রজেক্টে অনুদান দিন